

畿輔通志卷一百三十一

略八十六 前事一 上古至唐

黃帝軒轅氏

帝修德振兵與炎帝戰于阪泉

今宣化府保安州南

之野三戰然後得

志

蚩尤作亂不用帝命帝乃徵帥諸侯與蚩尤戰于涿鹿

出今

宣化府保安州南

之野戮之

合符於釜山

在今保安州西

邑於涿鹿之阿

顓頊高陽氏

都於帝邱

漢書地理志云濮陽古帝邱今大名府開州有濮陽故城

葬於濮陽

見帝邱注

帝嚳高辛氏

四十五年錫唐侯命

封堯爲唐侯今保定府唐縣

六十三年陟葬於頓邱

故城在今大名府清豐縣西南

帝堯陶唐氏

甲辰元載自唐侯踐天子位

命和叔居朔方

丁巳七十有四載舜攝巡狩至於北岳

北岳恆山今定州曲陽縣

流其工於幽州

今順天府密雲縣有共城

夏

大禹

丙子元載封丹朱於唐

后相

壬寅二十有八載寒浞使其子澆弑王於帝邱

商

成湯

乙未十有八祀封神農之裔爲孤竹今永平府君

祖乙

甲辰九祀徙都於邢今順德府邢臺縣

盤庚

庚子元祀邢都河決遷於殷

周

武王

己卯十有三年封黃帝之後於薊薊在今順天府大興縣宋史記作封帝堯之後於薊今

從樂記

封召公奭於北燕今順天府薊州

東周

桓王

壬戌元年衛人誅州吁逆公子晉於邢冬十二月宣公卽位

壬申十有一年齊侯衛侯胥命於蒲故城在今大名府長垣縣不盟

辛巳二十年魯侯鄭伯盟於武父在今大名府東明縣西南同謀伐宋

惠王

甲寅十年齊侯魯侯會於城濮衛城在今大名府開州南

丁巳十有三年齊人伐山戎在今遵化州玉田縣

己未十有五年狄伐邢

庚申十有六年齊人救邢

壬戌十有八年齊師宋師曹師救邢邢遷於夷儀故城在今順德府邢臺縣

西俗謂之諸侯城之
隨宜城

襄王

辛未二年齊侯許男伐北戎
北戎即山戎見前

甲戌五年齊侯宋公魯侯陳侯衛侯鄭伯許男曹伯會於鹹
衛地

今大名府開州有故鹹城淮夷病杞故且謀王室也

丙子七年魯公孫敖帥師及諸侯之大夫救徐諸侯次於匡
衛邑

在今大名府長垣縣以待之

己卯十年邢人狄人伐衛衛師禦於訾婁
今大名府長垣縣界

庚辰十有一年衛人伐邢

辛巳十有二年齊人狄人盟于邢爲邢謀衛難於是衛方病邢

丙戌十有七年衛侯滅邢

己丑二十年晉侯伐衛取五鹿
今大名府開州

晉及齊侯盟于欽孟

今大名府開州欽孟聚是

衛侯請盟弗許

衛侯出奔楚晉侯復之衛侯使甯俞與衛人盟於宛濮

衛地今大名

名府長垣縣西南有宛亭

壬辰二十有三年狄圍衛衛遷於帝邱

乙未二十有六年晉侯疆戚田魯公孫敖會晉侯於戚

衛邑在今大名

府開州

壬寅三十有三年晉歸戚田於衛

定王

甲子十年晉人宋人衛人曹人同盟於清邱

衛地今大名府開州東南

丁卯十有三年晉敗赤狄於曲梁

故城在今廣平府永年縣東北

戊辰十有四年晉士會滅赤狄甲氏

今廣平府雞澤縣境

壬申十有八年衛孫良夫帥師及齊師戰於新築

衛地今大名府威縣南有

新築
衛師敗績

癸酉十有九年魯叔孫僑如取汶陽之田棘不服遂帥師圍棘

棘汶陽田之邑今當
爲廣平府肥鄉縣地

簡王

丁丑二年楚公子嬰齊帥師伐鄭晉侯齊侯宋公魯侯衛侯曹

伯莒子邾子杞伯救鄭同盟于馬陵

衛地今大名府治
東南有馬陵城

衛定公惡孫林父林父以戚奔晉衛侯如晉晉反戚

己卯四年晉侯齊侯宋公魯侯衛侯鄭伯曹伯莒子杞伯同盟

於蒲

乙酉十年晉侯魯侯衛侯鄭伯曹伯宋世子成齊國佐邾人同

盟于戚晉侯執曹伯歸於京師

己丑十有四年晉韓厥帥諸侯之師侵楚焦夷及陳晉侯衛侯

次于戚以待之

靈王

庚寅元年晉荀罃宋華元魯仲孫蔑衛孫林父曹人邾人會於戚以謀鄭

卯辛卯二年單子晉侯宋公魯侯衛侯鄭伯莒子邾子齊世子光

同盟於雞澤

衛地今縣屬廣平府

爲鄭服故陳侯使袁僑如會諸侯之

大夫及袁僑盟

壬辰三年無終

山戎國名今順天府薊州有無終故城

子請晉和戎晉侯使魏絳

盟諸戎

癸巳四年諸侯復會於戚會吳且命戍陳也

壬寅十有三年衛孫林父出其君立公孫剽晉士句宋華閱魯

季孫宿衛孫林父鄭公孫董莒人邾人會於戚以定衛

戊申十有九年晉侯齊侯宋公魯侯衛侯鄭伯曹伯莒子邾子

滕子薛伯杞伯小邾子盟于澶淵

衛地在今齊成故也開州西南

壬子二十有三年晉侯宋公魯侯衛侯鄭伯曹伯莒子邾子滕

子薛伯杞伯小邾子會於夷儀將以伐齊水不克

癸丑二十有四年諸侯復會於夷儀以伐齊

晉人納衛侯人於夷儀

甲寅二十有五年衛甯喜弑其君剽而納獻公孫林父叛以戚

如晉

衛人侵戚東鄙孫氏愬于晉晉戌茅氏

戚東鄙地

衛殖綽伐之殺

晉戌三百人孫蒯追敗衛師于圉

衛地今開州東有圍城

魯侯晉人鄭良霄宋人曹人會於澶淵疆戚田取衛西鄙懿

氏

今開州西北有懿城故址

六十以與孫氏

景王

戊午二年諸侯爲宋災故復會於澶淵

王戌六年北燕伯款出奔齊燕人立悼公

乙丑九年齊侯伐北燕謀納簡公

丙寅十年齊侯次于號燕境在今天津府滄州地燕人行成盟于濡上濡水名在

今安州任邱之間

辛未十有五年齊高偃帥師納北燕伯於陽陽在今保定府唐縣東

晉荀吳滅肥自狄微種在今正定府藁城縣西南

晉伐鮮虞自狄別種今正定府新樂縣西南有鮮虞亭

壬申十有六年晉荀吳侵鮮虞及中人今保定府唐縣大獲而歸

甲戌十有八年晉荀吳帥師伐鮮虞圍鼓國名今正定府晉州地以鼓子

戴鞮歸

辛巳二十有五年鼓人復叛於鮮虞晉人滅之

敬王

丁亥六年魯侯以齊卑公遂如晉次于乾侯晉境內邑在今廣平府成安縣

辛卯十年魯侯卒於乾侯

乙未十有四年晉士鞅衛孔圉帥師伐鮮虞

丙申十有五年晉士鞅帥師圍鮮虞

戊戌十有七年齊侯鄭伯盟于鹹齊人執衛行人北宮結以侵

衛齊侯衛侯盟于沙今大名府元城縣東

庚子十有九年齊侯衛侯伐晉五氏今廣平府邯鄲縣西有五氏城不克

甲辰二十有三年晉趙稷涉濱以邯鄲今縣屬廣平府叛上軍司馬籍

秦圍邯鄲

丁未二十有六年齊侯衛侯救邯鄲圍五鹿

晉范吉射荀寅出奔齊師魯師衛孔圉鮮虞人伐晉取棘蒲

今趙州城內有棘蒲社以救范氏

戊申二十有七年晉趙鞅帥師納衛世子蒯聵於戚

晉趙鞅帥師及鄭罕達戰於鏹

邱名今大名府開州北有戚城其南爲王台里卽鏹邱也

己酉二十有八年齊國夏衛石曼姑帥師圍戚

晉荀寅奔邯鄲

庚戌二十有九年晉趙鞅圍邯鄲荀寅奔鮮虞趙稷奔臨

在今趙州

臨城縣東齊人衛人會鮮虞納荀寅于柏人

今順德府唐山縣西

辛亥三十年晉圍柏人荀寅士吉射奔齊

壬子三十有一年晉趙鞅帥師伐鮮虞治范氏之亂也

元王

丁卯二年晉趙無卹北登夏屋請代

今宣化府蔚州有古代城君使厨人摻

銅料以食代君及從者行斟陰令宰人各以料擊殺代君及從官遂興兵平代地

威烈王

癸酉十有八年中山本鮮虞地戰國時爲中山國在今定州君饗都士大夫羊羹

不徧司馬子期怒去說楚伐中山中山君出亡

晉魏斯使樂羊伐中山克之不絕其祀以封其子擊

安王

庚辰元年秦伐魏至陽孤陽孤史記作陽狐括地志陽狐在魏州元城東北三十里元城今縣屬太

名府

乙未十有六年魏襲趙邯鄲不克

庚子二十有一年趙取魏棘蒲

辛丑二十有二年齊伐燕取桑邱俗名敬城在今保定府安肅縣西魏韓趙伐

齊至桑邱

甲辰二十有五年趙與中山戰于房子今趙州高邑縣西南

乙巳二十有六年趙伐中山戰于中人

顯王

癸丑元年齊伐魏取觀津今冀州武邑縣東南

甲子十有二年魏韓會於鄆今趙州柏鄉縣北

丁卯十有五年魏伐趙圍邯鄲

戊辰十有六年邯鄲降魏

庚午十有八年魏人歸趙邯鄲與趙盟漳水上

甲戌二十有一年趙公子范襲邯鄲不勝而死

庚辰二十有六年魏伐韓齊孫臏救韓敗魏師於馬陵殺其將

龐涓虜太子申

己三十有七年齊伐燕取十城已而復歸之

甲午四十有二年韓與齊魏戰於桑邱

丁酉四十有五年中山負齊之強日侵趙趙城鄒拒之中山引

水圍鄒取之

赧王

丁未元年齊伐燕取之醢其相子之殺故燕君噲

甲寅八年趙武靈王北略中山之地至房子

乙卯九年趙王略中山地至宜葭宜葭一作蔓葭縣名在中山

丙辰十年趙伐中山取丹邱今定州曲陽縣西北有丹邱城爽陽在今曲陽縣界鴻之

塞在今保定府唐縣界又取鄒見前石邑今正定府獲鹿縣南封龍山名在今正定府元氏縣東

垣今正定縣中山獻四邑以和

戊午十有二年趙伐中山

庚申十有四年趙伐中山中山君奔齊

辛酉十有五年趙攻中山攘地北至燕代

甲子十有八年趙伐中山取扶柳今冀州西南有扶柳故城

丙寅二十年趙以燕齊之師滅中山

趙故太子章作亂公子成李兌誅之遂弑主父於沙邱今順德府

平鄉縣東北三十里有沙邱臺

戊寅三十有二年趙取齊昔陽今正定府藁城縣西南

癸未三十有七年趙徙漳水武平西括地志武平今名渭城在瀛州文安縣北七十二里

案文安今屬順天府

丙戌四十年趙拔魏房子

己丑四十有三年秦魏楚伐燕

庚寅四十有四年趙藺相如伐齊至平邑今大名府昌樂縣東

丙五十年齊田單將趙師以伐燕取中陽案徐廣曰陽一作人即中人也見前

癸卯五十有七年秦圍趙攻邯鄲

甲辰五十有八年魏公子無忌用侯生計使王所幸如姬竊兵

符馳至鄴令力士朱亥椎殺將軍晉鄙奪其軍以救趙大破

秦軍於邯鄲下趙王以鄲爲公子湯沐邑

東周君

庚戌五年燕王使栗腹伐趙將渠諫不聽趙使廉頗擊之敗其

兩軍逐北五百里遂圍燕燕人請和趙人曰必令渠處和燕

王以將渠爲相而處和趙師乃解

周末諸國

丁巳趙王偃趙李牧伐燕取武遂今深州方城在今順天府固安縣

庚申秦王政秦拔衛濮陽